



33524

Mag. St. Dr.


P

Univ. Jagell.

Appellatio ad H. D. D. M. Urbanum VIII. in causa
inter legendi Cracoviae inter Almam Jagello-
niam Universitatem - Studii Cracov. ac Religio-
sos Presbyteros Societatis Jesu Cracoviae
etc.

Crac. in off. Matthiae Andreowicz
1630. editio II^a ?

Salve dno. wczomp. anajdaja dno. jakis
wspytowanie w Krakowie; Handl
(p. str. 224); Requart (Karty 986-99)



†
A P P E L L A T I O
A D
S S. D. D. N. V R B A N V M V I I I.



In Cauſa Iuris legendi Cracouiæ.

I N T E R

Almam Iageloniam Vniuerſitatem, ſiue
Academiã Studij Cracouiẽſis Scholam Regni Poloniæ
Generalem, ac Religioſos Presbyteros Societatis Ieſu
C R A C O V I Æ.

A
*Certa Sententia Reuerendiſſimi D. Franciſci Maria Gbiſlerij, S. Rotæ
Auditoris, iſtius Cauſæ Iudicis Commiſſarij.*

PER
Dictam Almam Vniuerſitatem, illiuſque Magnificum
D. R E C T O R E M interpoſita cum


P R O T E S T A T I O N E.

1630

APPENDIX

NO.

22 D.D.N. VERANVM V



In Carta Iuris legendi Cr

IN P R R

Almam Jagelonicam V niver


Academicam, Sen. Scholae Regni
Generalium, ac. Sigillis Presbyteros Societas
CRACOVIAE



Cracoviae, in Collegio S. Marci, die 17. Julii 1772.

Disam Almam V niveritatem, in Collegio
D. Rectorum Interpositum

PROTESTATIONE



In nomine Domini, Amen.



PRÆSENTI publico instrumento cunctis pateat euidenter & sit notum, quod Anno à Natiuitate eiusdem Dñi, Milleſimo Sexcentefimo Trigefimo. Indictione Romana tredecima. Pontificatus Sanctiffimi D. N. D. V R B A N I diuina prouidentia Papæ Octaui. Anno Septimo. Die vëro Martis Vigefima quinta Menſis Iunij, in mei Notarij publici teſtiumq; infraſcriptorum ad id ſpecialiter vocatorum & rogatorum præſentia, perſonaliter conſtitutus Admodum Rëndus & Magnificus D. A D A M V S O P A T O V I V S S. T. D. & Profeſſor, Decanus Eccleſiæ Collegiatæ S. ANNÆ Crac & R E C T O R nomine ſuo ac totius Vniuerſitatis Studij Genaralis Ciuitatis Cracouien: tenens & habens ſuis in manibus, quãdam Proteſtationis prouocationis & Appellationis papyri ſchedulam, à grauaminibus & Sentētia quadã prætenſa vt dicitur in Rota lata per Reuerendiſſimum Patrem Dominum Ghifilerium, in cauſa & cauſis coram eo inter dictam Vniuerſitatem ex vna, & Patres Ieſuitas Societatis Ieſu Crac: ex altera parte in tertia inſtantia, de & ſuperiure legendi verente, & mota, à prima notitia, eodem animo, intentione proteſtando prouocando & appellando, coram me Notario publico infra poſito, interpoſuit, cuius tenor ſequitur talis videlicet. A prima notitia, & poſtquam nobis conſtitit, Executoriales certas Reuendiff: Domini Franciſci Mariæ Ghifilerij Sacræ Rotæ Auditoris, in cauſa inter Academiam noſtram Cracouien. & Rëndos PP. Dominos Ieſuitas Cra-

A .

couiæ

couiæ de iure legendi in Curia Romana mota & vertente emanasse, earumq; Executionem, publicationem a præfatis Religiosis vrgeri, & circa hoc agi plurima ab illis præter intentionem & dorum iudicium, præter tenorem Sententiæ, naturam causæ, excedendo modos, locos, tempora, personas, circumstantias in eiusmodi negotijs adhiberi de iure solitas & consuetas, vt non tam ab illis Executio legitima, & tranquillitas in docendo, quam diffamatio Vniuersitatis, subiecto rû perturbatio, scandalorum, quod Deus auertat, origo, præter omnem cogitationem, intentionemq; nostram, quæri videatur. Nos quemadmodum reuerētissime semper sanctæ Sedis Apostolicæ Authoritatē & placita habuimus; vt pote qui eius beneficijs stemus, præter commune obsequij & obedientiæ debitum, ad quod Nos fides sancta, & professio nostra stringit: ita prædictis Executorialibus reuerētissimè susceptis, obedientissimos filios & obseruantissimos Matris nostræ Romanæ Ecclesiæ Nos præstabimus. Cumq; adeo lite pendente procurauerimus egerimus, vt Religiosi Iesuitæ in suis quantumuis prætensis Scholis, tranquille, pacificè quiete respectu nostri, & nostrorum agerent, neq; potest quicquā probare, quod nostra causa, scitu, voluntate, offensi, laesi, inquietati, tuerint, quinimò nos multa passi, multum turbati, agitati, nullo merito nostro simus, quibus (quod extremè miseræ est) facultas defensionis naturalis adimebatur: si inquam ita nos habuerimus antea, quanto magis nunc, dicti Religiosi omnē quietē, omnē securitatem, imò & patientiam nostram sibi polliceri possunt. Vnde maiorem in modum miramur, diuinareq; non possumus, cur in scribendis Executorialibus, ita sibi prouiderint, ac si in summo periculo & perturbatione Cracouiæ versarentur: nunc autē circa intimationes, publicationes, dispersiones illarum ita se gerant, vt magis inquietationem, turbationem nobis inferre velle videantur, quàm metuere, ne turbentur, & inquietentur. Quare Nos circumspicientes in futurum, quid inde suboriri possit, quantaq; seges mali Cracouiæ hic ex dicto excessu exequendi subsequi valeat, & quanta materies calumniarum succrescere alibi, post repetitam

repetitam Protestationem de parendo iudicatis, testamur dictam Sententiam, non potuisse in rem iudicatum transire, neque posse; a qua scilicet in Curia Romana appellatum est per Agentes nostros, cuius Appellationis sequitur Tenor.

In nomine Domini, Amen. Hoc est exemplum transumptum siue copia schedulæ Appellationis interpositæ ab infrascriptis Procuratoribus Magnifici D. **RECTORIS** ac Vniuersitatis Studij Generalis ciuitatis Cracouiensis coram Rndissimo Patre Domino Francisco Maria Ghislerio Sacræ Rotæ Auditore, in causa Cracouiensi iuris legendi, inter eisdem ex vna, & Reuerendos PP. Societatis Iesv dictæ ciuitatis partibus ex altera, coram eo vertente in tertia instantia Iudice Commissario, vnâ cum responsione habitâ ab eodem Rndissimo Patre Domino Auditore per me Sacræ Rotæ Romanæ & huiusmodi causæ Notarium publicum infra scriptum, ex suo proprio originali existenti in filo sententiarū mei Officij fideliter extracto, & copiato sub Anno Domini, Millesimo Sexcentesimo Trigésimo. Indictione decima tertia, die vero decima sexta Mensis April. Pontificatus autē SS. in Christo Patris & Dñi nostri D. **VRBANI** diuina prouidentia Papæ Octaui, Anno Septimo quorum tenor est vt sequitur.

VNIVERSITAS Crac. iuris docendi pro Magnifico D. **RECTORE** ac Vniuersitate Venerabilis Studij Ciuitatis Crac. contra Rndos Patres Iesuitas, & Collegium Societatis Iesv dictæ ciuitatis, comparuerunt personaliter coram Rndissimo Patre Dño Francisco Maria Ghislerio Sacræ Rotæ Auditore in domo suæ solitæ habitationis & residentie, Admod: Rndus D. **IACOBVS VSTIENSIS** I. V. D. & S. Th. Doctor, publicusq; Professor in Academiâ Cracouiē: & Canonicus S. **FLORIANI**, nec non Illustris & Excellens D. **I. V. D. Dominus PAVLVS MERLINVS** Magnifici D. **RECTORIS**, ac Vniuersitatis Generalis Studij Ciuitatis Cracouiē in simul & in solidum legitimi Procuratores, qui facto dederunt & exhibuerunt schedulâ Appellationis infrascripti tenoris, & c.

a quadam prætensâ sententiâ, vt dicitur, in Rotâ latâ, per Reuerendiss: Patrem D. Ghislerium in causa & causis coram eo verteñ, inter Magnificum Dominum **RECTOREM** ac Vniuersitatem Studij Generalis ciuitatis Cracouiensis ex vna, et Rñdos Patres Dominos Iesuitas Societatis Iesv dictæ ciuitatis parte ex altera, in tertia seu alia veriori instantia, de & super quodam Iure dictæ Vniuersitati ex immemorabili tempore ac ex Serenissimorum Regum Poloniae, & Sanctissimorum Pontificum priuilegijs competeñ legeñ, ac publicè docendi priuatiuè, quoad omnes alios, ac facultate prohibèdi, ne alij in dicta ciuitate doceant, cuiuscunq; generis sint: nec non occasione cuiusdam aperitionis Studij seu Collegij à dictis Patribus Societatis in dicta ciuitate attentati, ac tandem de & super Remissoria, prius de partium cōsensu decreta atq; iam expedita, & postea iniuste denegata, ac expensarum condemnatione, & taxatione, rebusq; alijs in actis causæ & causarum huiusmodi latius deductis; Procurator & eorum non inibus, sentiens se partemq; suam enormiter læsam & grauam, præcipuè, quia principalibus suis fuit per dictam sententiam sublata facultas probandi & proprium ius deducendi, quod est de iure naturæ, timensque in futurum magis lædi & grauari posse, inhærendo in primis & ante omnia iuribus per D. Magnificum **RECTOREM**, & Vniuersitatem in Actis productis, ac Protestationibus per Ordines Nobilium Regni Poloniae, & his saluis; ad Sanctissimum D. Nostrum Vrbanum VIII. eiusque sanctam Sedem Apostolicam in his scriptis prouocat & appellat peteñ instanter instantius & instatissime, sæpe læpius & læpissime, sibi de Apostolis responderi, non solum modo præmisso sed omni & c. saluo, & c. Protestañ; & c. omni, & c. Ex tunc Rñdissimus Dominus Franciscus Maria Ghislerius Rotæ Auditor & huiusmodi causæ Iudex Commissarius, dictis DD. Procuratoribus vt supra præsentibus, & petentibus dedit refutatorias in forma. Actum Romæ in Palatio habitati-
onis supra scripti Domini Iudicis, & Camera suæ solitæ resi-
dentia

dentię, in qua quidem iura reddi solent, & causę partium au-
diri conlueuerunt, sub Anno a Natiuitate Domini Millesimo
Sexcentesimo Trigefimo, Indictione decima tertia, Die vero
decima sexta Aprilis, Pontificatus autem SS. in Christo Patris
& D. N. D. Urbani Diuina prouidentia Papę Octaui, anno se-
ptimo, pręsentibus ibid. prouidis uiris, Dominico Fontia &
Franciscó Pacichello causarum Sacri Palatij Apostolici No-
tarijs, atq; coram eodem Rndissimo Patre D. Auditore Iudice
atq; Commissario prętato, scribis publicis testibus ad omnia
& singula supra scripta uocatis habitis atq; rogatis. *Et quia*
ego Joannes Paulus Cesarinus Anconitanus, causarum Sacri
Palatij Apostolici Notarius publicus de pręmissis rogatus: ideo
pręsens instrumentum transumpti Appellationis & resposionis re-
spectiue, subscripsi & publicauit rogatus & requisitus. Nos
Franciscus Maria Ghislerius I. V. D. SS. D. Nostri Pa-
pę Capellanus & ipsius Sacri Palatij Apostolici causarum
Auditor, Vniuersis fidem facimus, & attestamur suprascri-
ptum D. Ioannem Paulum Cesarinum de pręinserto In-
strumento rogatum, tempore dicti rogatus, & diu ante
fuisse, & esse Publicum Sacri Palacij Apostolici causarum
Notarium fidelem & legalem, eiusq; scripturis publicis sem-
per in Iudicio & extra adhibitis fuisse, & de pręsenti plenam
adhiberi fidem. In quorum & c. Datum ex Aedibus nostris sub
Anno Domini, 1630. Die vero 16. Mensis April. Pontificatus au-
tem SS. D. N. Urbani Papę Octaui anno Septimo.

Archangelus Baronus Sacrę Rotę Notarius.

Utra uero rationes in dicto instrumento Appellationis cō-
tentas, & ultra denegationem Remissorialium, consideran-
do, dictos Religiosos Presbyteros Societatis Iesu antequam a-
gere, & obtinere quidquam nomine prędicti sui Collegij Cra-
couiensis possent, erectum illud fundatum & substantialia
Collegij requisita continens habere debuisse, ut actio & res
iudicata eius nomine sustineretur. Quod cum nullum Cra-
couię sit, neq; esse potuerit, per consequens nihil iuris, ei
quoquomodo acquiri potuisse & posse: non entium quip-
pe sunt

pe sunt nullæ qualitates: ideoq; primò in hac causâ dispi-
ciendum erat, an Collegium aliquod de præfati Craccuien-
se fuerit, antequam Actores, Rectores, Procuratores illius ad
Iudicium admitterentur? Nec minus id præ oculis habendo,
quod Bullæ disponentes de Religiosis præfatis, & eorum Col-
legijs, vigorem & tacitam cõditionem habeant: vt in quantũ
ab incolis locorum requirantur, scholas erigant, & doceant,
in quantumq; necessitas publica & vtilitas aliqua scholas illo-
rum promouere possit. De qua conditione hic adeo non
cõstat, vt etiam, cum ab alijs Regni Poloniæ incolis, tum præ-
cipue Palatinatus Cracouiens. publica testatione, dictis Scho-
lis reclamatum fuerit, nec aliquem vsum illarum Cracouiæ
fore experientia ipsa manifesto docuit: omissis interim alijs
rationibus clarè deductis in processu & informationibus no-
stris ac in Appellatione ab Agentibus nostris facta; quam ap-
pellationem ratam habemus, & quantum opus est omni me-
liori modo, de nouo appellamus, de nullitate præfate senten-
tiæ dicimus, submittentem Nos protectioni sanctæ Sedis
Apostolicæ.

Quia vero supranominati Religiosi prætextu dictarum
Executorialium, mira, noua, & inusitata agere efficereq; cõ-
tendunt, immemores, in illis non plus haberi posse, neq; vigo-
rem illarũ magis extendi, quam tenor sententiæ sese extendat,
scilicet *Licere illis in Collegio eorum Cracouiensi legere, Faculta-
tes iuxta formam Priuilegiorum Apostolicorum & Vniuersitati
non licere eos impedire molestare, &c.* Quod cum
pro reuerentia Sedis Apostolicæ, saluã tamen Appellati-
one, Vniuersitas permittat: valde indignum est, quod præfati
Religiosi in rebus securis, cum dictis Executorialibus, qui-
busuis eas obtrudendo, factum exaggerando, in maius stylũ
Sacræ Rotæ extendendo, & interpretando, diffamationibus,
cõminationibus contra Vniuersitatem, quasi iam transgres-
sionis & rebellionis ream, agendo, Executores infinitos, nõ-
nullos cõparticipes & suspectos, quippè ab ipso principio ad-
uersariorum causæ perpetuos ad stipulatores & promotores,
cõquirendo, procedant, Academia Studiosos turbent, ad
Scholas

scholas suas importune sollicitent, Iudices seculares vt D D. Consules Cracouien requirendo cum Executorialibus, & cæteros iuris ordine non seruato in causas spirituales intrudant, publicationes diffamatorias faciant, & facere compellant. Hæc enim præter tenorem Sententię, præter omnes prudentię regulas, & contra charitatē non solum Religiosam sed Christianam sunt. Propterea considerando ex eiusmodi calore & ratione procedendi, scandala oriri posse, & quod Sententia ad securitatem præfatorum Religiosorum lata, in offensionem Nostri dirigi & verti videatur, deturque ab illis occasio nunc & in posterum magis atque magis metuendi, ne amplior detur prætextu & colore præfatę sententię, alienationis animorum, dissensionum hinc inde calumniarum, oppressiõnum, & diffamationum; Ab eiusmodi excessibus & inusitatis modis procedendi præsentibus, futuris, illatis & inferendis appellantes, protestamur, appellamus, prouocamus, nominatim à iactationibus, impressionibus, translationibus in Polonicum, vulgarisationibus apud simplices, publicationibus diffamatorijs, intrusionibus ad magistratum secularem, turbationibus iuuentutis, sollicitationibus parentum, penitentię sacramenti denegatione, publicationibus censurarum, cum diminutione honoris nostri, & cæteris eiusmodi, maximè si quid inde scandali ortum sit, & grauamen impertinentiaque aliqua subsequantur, & recurrimus ad prædictam Sedem Apostolicam, tam in principali negotio, quàm in eiusmodi excessibus, tanquam læsi, iniuriati, & diffamati, alias ad omnem meliorem effectum, omni meliori modo & forma. Saluo iure addendi, minuendi, corrigendi, &c.

Super quibus omnibus & singulis prædictis, superscriptus Dominus R E C T O R dictis nominibus petijt sibi à me Notario publico infrascripto præsens publicum instrumentum confici, & extradi. Acta sunt hæc Crac: in solita habitatione eiusdem Domini Rectoris, sub anno Indictione Pontificatu, die & mense vt supra, ibidem præsentibus Venerabilibus Dominis,
Nicolao

Nicolao Zuchowski Sacristiano, & Alberto Tixewic Vicario
Ecclesie Collegiate S. ANNÆ Crac. testibus ad præmissa vo-
catis & specialiter rogatis.

Et ego Albertus Matthiæ Bolkowski publicus Sacra Apo-
stolica & Imperiali authoritate Notarius, quia de omnibus &
singulis prædictis, cum supra scriptis testibus rogatus fui,
ideo in fidem præmissorum, me subscripsi, publicavi,
& signavi requisitus.



CRACOVIAE,
In Officina Matthiæ Andreouienſis,
Anno Dñi, M. DC. XXX.



Biblioteka Jagiellońska



stdr0015433

